

Brigitte Seiler

Ig has gwagt....

... alleini i die Bikeferie 🚲 z'go, Trails z'fahre woni vorhär aghaute hät 🚫🚲, überne Houzhufe 📶 z'fahre, i chaut Pool z'springe 🏊♀️ und Avena 🍷 z'probiere. Aber eis nachem angere....

Mini Areis ha ig mit em Car 🚗 bis Follonica gmacht und nähr isch mi dr Franz vo "mtbeer" cho abhole 🚚. So ha ig no dr ganz Tag zur Verfügig gha, ha no z'Mörgelet 🍞, s'Zimmer bezoge und e Abstächer uf Massa Marittima 🏰 und ufe Liegistueh 🚰 gmacht. Am 7ni isch de s'Apéro 🍷🍸 und s'gemeinsame Nachtässe 🍴 agstange. Dr Empfang isch sehr persönlech gsi und ig ha sofort mit de Lüt 👫 chönne plöiderle 💬. Und jo, es isch eso, dr Salvo 👨🍳 chocht hervorragend 👍! So hei mir e gmüetleche Kennelern-Obe 🍷 gha.

Nähr loufts eigentlich immer glich ab, z'Morge ässe 🍞🍏🍐☕, parat mache 🇨🇭🕶️ und mit em Bike 🚲 a Träffpunkt ⓘ. Bim Träffpunkt hei mir zwöi Gruppene gmacht: 1. Gruppe „Ferraris“ 🏍️ (numme liecht schnöuer) und 2. Gruppe „Cinquecento“ 🏍️ (liecht lengsemer, aber numme es Mü 😄). Mit emene früsche Tröpfli Öl 💧 ischs de los gange 📍. Scho sehr fröh he mir absits vo de Teerstrosse 🛣️ chönne fahre und scho gli mou die erschte paar Trails 🌲🌳. Es het Spass gmacht 👍 und trotzdem freut me sich ufe Cappuccino ☕🍪. Nach dr Tour chame zäme zMittagässe 🥗🍝 und nang vo dr Tour verzöue 💬 oder uf guet bärndütsch 🐻 gseit „plagiere“ 🌟😎. Dr aabrochnig Nomi steit zur freie Verfügig 🆓, ussert me nimmt am „Bikeputzkurs“ 🚲💥, ar „Wy-Degustation“ 🍷, am „Bsuech Ölmühli“ 🍋 oder anere angere organisierte Aktivitäte teil. Ig has sehr guet gfunge 👍, dass me sauber sProgramm 📄 cha wähle 👩♀️. Ebefaus chame id Sauna 🔥, go jogge 🏃🏃♀️, bir Erika go lädele 🛒, im Pool go schwümme 🏊🏊♀️ oder ufe Ligistueh 🚰 lige.

Sehr idrücklech isch d'Elba-Tour 🚢 am Zishti gsi! Wunderschöni Landschaft 🌄, schöni Trails 🌲🌳, grosse Cappuccino ☕ und mängisch asträngendi Högerli 🏞️, wo 2 mou 10 min 📍 göi 😂. Ig ha ou dr Fahrteknikkurs 🚲♀️🚲 am Mittwoch sehr

guet gfunge. I dene paar Stüngli 🕒 ha ig vom Housi sehr vöu glehrt 🤓. Ou wenn me ungerwägs es Problem ⚠️ mit em Bike 🚲 het, wird grad gluegt und gflickt 🛠️ oder azoge 🔧, danke Erika!

Ig ha e wunderschöni 😊, sunnigi ☀️ und luschtigi 😄 Bike-Wuche 🚲 dörfe erläbe, sicher ou dank 🙌 de guete und spannende Teilnähmer 👫! Es grosses Merci geit a: 🚲 Hampi, 🚲 Markus, 🚲 ♀ Anita, 🚲 Pius, 🚲 Friedel, 🚲 Kamikaze Rey, 💊 Manu, 🚲 ♀ Renate, 🚲 Otti, 🚲 ♀ Kristina, 🚲 Markus, 🚲 Claudia, 🚲 Viktor, 🚲 ♀ Irene, 🚲 Hans. Danke für die luschtige Gschichte über Tubuleless 🙌, Sattufüdüli, ängi Bikehose 👖 oder nid, Bohne dr ganz Tag und die ganzi Nacht 🌙, Bruttalo-Trail 🚲 ♀ und so witer. Ebefaus es Dankeschön 🙌 ad Organisatore und Guides, 🧑🚒 Erika, 🧑🚒 Housi und 🧑🚒 Franz. Es genials Programm heit Dir üs zur Verfügig gstüt 👍 Super Organisation, 🟡 i schöni Toure und spannendi Erzählige und Gschichte 🗣️!

Es grosses Excüsé 🙇, dass dr Bricht 📄 i mim Chrüppeli-Dialäkt gschriebe isch 😄.